

## Saya dan Azizah doakan Malaysia terus makmur, sejahtera, dibawah lindungan Allah - Anwar

BERNAMA



ANWAR dan Dr Wan Azizah menunaikan umrah di Makkah. FOTO Ihsan FB Anwar Ibrahim.

Kuala Lumpur: Mesej bulan Ramadan yang mengangkat nilai kesederhanaan dan kemanusiaan merentasi sempadan agama, kelompok dan golongan kurang berkemampuan perlu disebarikan secara meluas.

Perdana Menteri Datuk Seri Anwar Ibrahim yang kini berada di Jeddah bagi lawatan rasmi tiga hari ke Arab Saudi turut berharap agar kelebihan madrasah Ramadan akan mengangkat martabat dan harakat insan dari sudut akhlak serta integriti.

"Mari bersama kita berdoa sambil meningkatkan usaha mencapai berkahNya sepanjang bulan ini.

"Dari Tanah Suci saya dan Azizah (Datuk Seri Dr Wan Azizah Wan Ismail) mendoakan Malaysia akan terus makmur, sejahtera dan sentiasa dalam lindungan Allah SWT," katanya menerusi hantaran di laman Facebook.

Umat Islam di Malaysia akan mula berpuasa esok, 23 Mac.

Disiarkan pada: Mac 22, 2023 @ 10:10pm